

სესხის გაცემა ხდება გენერალური ხელშეკრულების 1 000 000 ლარიანი ლიმიტის ფარგლებში, რომელიც მოქმედია 15 წლის ვადით. გთხოვთ, გაითვალისწინოთ, რომ ამ პერიოდის განმავლობაში ზემოაღნიშნული ლიმიტის ფარგლებში მსახიბებელზე დამატებით კრედიტის გაცემის შემთხვევაში, კრედიტის გაცემაზე თქვენი დამატებითი თანხმობა არ იქნება საჭირო და თქვენი თავდებობა/ქონების უზრუნველყოფის მოცულობა გავრცელდება გენერალური ხელშეკრულების უზრუნველყოფის ფარგლებში გაცემულ ყველა კრედიტზე.

სოლიდარული თავდებობის ხელშეკრულება #

ქ. თბილისი

2025 წ.

მუხლი 1. ხელშეკრულების მხარეები

1.1. გამსესხებელი/კრედიტორი/ (სახელწოდება) :	სს მიკრობანკი „ემბისი“ (შემდგომში მიკრობანკი ან კრედიტორი)
იურიდიული მისამართი:	ქ. თბილისი, წმინდა ქეთევან დედოფლის გამზირი N68, სართული 1, საოფისე ფართი #2.
წარმომადგენელი:	
ტელეფონი:	032 2-50-50-02
ელ. ფოსტა:	info@mbc.com.ge
საიდენტიფიკაციო კოდი:	404967078
საზედამხედველო ორგანოს დასახელება და მისამართი:	საქართველოს ეროვნული ბანკი 0114 თბილისი, საქართველო, სანაპიროს ქუჩა №2
მიკრობანკის საქმიანობის ლიცენზიის ნომერი:	472

1.2. თავდები: -----, დაბ. -----, რეგისტრაციის ადგილი -----, თავდების განცხადებით მცხოვრები: -----, პირადი ნომერი -----, პასპ/პირად.მოწმობის N-----, პასპ/პირად.მოწმობა გაცემულია ----- მიერ ----- წელს, (მოქმედების ვადა -----), ტელეფონი -----, ელ.ფოსტა -----.

1.3. სესხის მოცულობა და არსებითი პირობები

1.3.1. თავდებობით უზრუნველყოფილი გენერალური ხელშეკრულების თარიღი და ნომერი:	
1.3.2. მოვალე/მსესხებელი (სახელი, გვარი, პირადი ნომერი / დასახელება, საიდენტიფიკაციო კოდი):	
1.3.3. გაცემული კრედიტების მაქსიმალური ჯამური ოდენობა (ლიმიტი):	1 000 000 ლარი
1.3.4. კრედიტების ვალუტა:	ლარი
1.3.5. კრედიტების მაქსიმალური ვადა:	180 თვე
1.3.6. მაქსიმალური წლიური საპროცენტო განაკვეთი:	ეფექტური 50%

მუხლი 2. ხელშეკრულების საგანი

2.1. წინამდებარე ხელშეკრულებით, თავდები კისრულობს ვალდებულებას, თავდებად დაუდგეს მოვალეს მიკრობანკის წინაშე და შეასრულოს კრედიტორსა და მოვალეს შორის 1.3. მუხლში აღნიშნული გენერალური ხელშეკრულებით (ძირითადი ხელშეკრულებით) და მის საფუძველზე და ფარგლებში გაფორმებული ნებისმიერი დამატებითი ხელშეკრულებებით ნაკისრი ვალდებულებები, რომელიც ძირითადი ხელშეკრულების განუყოფელ ნაწილს წარმოადგენს. თავდები სოლიდარული თავდებობით უზრუნველყოფს მიკრობანკსა და მოვალეს შორის გაფორმებული

მიკრობანკი /-----/

თავდები/-----/

გენერალური ხელშეკრულების და მის საფუძველზე გაფორმებული ან/და მომავალში დადებული საკრედიტო (სესხის), საკრედიტო ბარათის, დერივატივის ხელშეკრულებებით, ასევე ხსენებული გენერალური ხელშეკრულების ფარგლებში და მის საფუძველზე დადებული ან და მომავალში დადებული ნებისმიერი სხვა შემადგენელი ხელშეკრულებებით გათვალისწინებული ვალდებულებების შესრულებას, სესხის (მათ შორის ასევე ოვერდრაფტის სახით გაცემული სესხის) ძირითადი თანხისა და დარიცხული სარგებლის, მოვალის მიერ გადახდას, აგრეთვე გენერალური ხელშეკრულების ფარგლებში გაფორმებული ან/და მომავალში დადებული ნებისმიერი შემადგენელი ხელშეკრულებით გათვალისწინებულ ფულად ვალდებულებას, საკომისიოს, ასევე ვალდებულებათა შეუსრულებლობის ან არასათანადო შესრულების გამო დარიცხული პირგასამტეხლოს (ჯარიმის) გადახდას, ვალდებულებათა შეუსრულებლობით (დარღვევით) გამოწვეული ზიანის ანაზღაურებას.

მუხლი 3. თავდების სოლიდარული პასუხისმგებლობის შესახებ

3.1. თავდები სოლიდარულად, მთელი თავისი ქონებით არის პასუხისმგებელი ძირითადი ხელშეკრულების ან მის საფუძველზე გაფორმებული ნებისმიერი დამატებითი ხელშეკრულების საფუძველზე, მოვალის მიმართ წარმოშობილი ვალდებულებების შესრულებაზე.

მუხლი 4. თავდების პასუხისმგებლობის ფარგლები

4.1. თავდების პასუხისმგებლობის მაქსიმალური თანხა და თავდებობით უზრუნველყოფილი მოთხოვნის მაქსიმალური ოდენობა შეადგენს 1 000 000.00 (ერთი მილიონი) ლარს - ფულადი ვალდებულების (მათ შორის სესხის) ძირითადი თანხის სახით და მასზე 2.1. პუნქტის შესაბამისად დარიცხულ პროცენტს, პირგასამტეხლოს (ჯარიმას) და საკომისიოს, ასევე სასამართლო, საარბიტრაჟო და აღსრულებასთან დაკავშირებულ სხვა ხარჯებს.

მუხლი 5. მიკრობანკის მიერ მოთხოვნის დაკმაყოფილება

5.1. მოვალის მიერ გენერალური ხელშეკრულების ფარგლებში დადებული საკრედიტო (სესხის), საკრედიტო ბარათის, დერივატივის ხელშეკრულებებით, ასევე ხსენებული გენერალური ხელშეკრულების ფარგლებში და მის საფუძველზე დადებული ან და მომავალში დადებული ნებისმიერი სხვა შემადგენელი ხელშეკრულებებით განსაზღვრული კრედიტის ძირითადი თანხისა (მათ შორის ასევე ოვერდრაფტის სახით გაცემული სესხის) და მასზე დარიცხული პროცენტების ხელშეკრულებით გათვალისწინებულ ვადებში დაუბრუნებლობის (სესხის გადახდის გრაფიკის დარღვევა, ასევე მიკრობანკსა და მოვალეს შორის გაფორმებული გენერალური ხელშეკრულებით გათვალისწინებული ოვერდრაფტის თანხის და მასზე დარიცხული სარგებლის განსაზღვრულ ვადაში გადაუხდელობა ან ხელშეკრულების სხვა პირობის დარღვევა) ან/და გენერალური ხელშეკრულების შემადგენელი ხელშეკრულებებით განსაზღვრული საკომისიოს, პირგასამტეხლოს, სხვა ფულადი ვალდებულებების, ასევე სასამართლო, საარბიტრაჟო, საადვოკატო ხარჯების, და აღსრულებასთან დაკავშირებული სხვა ხარჯების დადგენილ ვადებში გადაუხდელობის, ასევე ამ ხელშეკრულებით გათვალისწინებული ნებისმიერი ვალდებულების შეუსრულებლობის შემთხვევაში, მიკრობანკს უფლება აქვს თავდებს წაუყენოს მოთხოვნა ძირითადი მოვალის მიმართ იძულებითი აღსრულების მცდელობის გარეშე.

5.2. 5.1. პუნქტით გათვალისწინებულ შემთხვევებში, მიკრობანკი შეტყობინებით მიმართავს თავდებს და აცნობებს ვადადამდგარი დავალიანების წარმოშობის, მისი ოდენობისა და მიკრობანკის მოთხოვნების შესრულების თარიღის შესახებ.

5.3. თავდები, მიკრობანკიდან მიღებული შეტყობინებიდან 14 დღის ვადაში, ვალდებულია უზრუნველყოს მიკრობანკის მიმართ არსებული დავალიანების სრული მოცულობის დაკმაყოფილება.

5.4. თუ თავდები არ დააკმაყოფილებს მიკრობანკის მოთხოვნას, მას ასევე დაეკისრება დამატებითი ხარჯების გადახდის ვალდებულება, რაც გამოწვეული იქნება იძულებითი აღსრულების მოქმედებებით (ადვოკატის ჰონორარი, სასამართლო და სააღსრულებო ხარჯები), რადგანაც იგი ვალდებული იყო და ჰქონდა შესაძლებლობა მიკრობანკის დაკმაყოფილებით აეცილებინა დამატებითი ხარჯები.

მუხლი 6. დასტური, განცხადებები და გარანტიები

6.1. თავდები ადასტურებს, რომ მისთვის ცნობილია ძირითადი ხელშეკრულებით ნაკისრი ვალდებულება და იქ განსაზღვრული პირობები, რის საფუძველზეც სრულად აცნობიერებს მის ვალდებულებას მიკრობანკის წინაშე, ამასთან, წინამდებარე ხელშეკრულება დადებულია თავდების ნებაყოფლობით, მოვალის, ან სხვა მესამე მხარეთა მხრიდან ძალადობის, მუქარის, მოტყუების, შეცდომის და/ან რაიმე სხვა გარემოების გამოყენების გარეშე.

6.2. სს მიკრობანკი „ემბისი“ შეაგროვებს/დაამუშავებს თავდების შესახებ ყველა იმ საკრედიტო/არასაკრედიტო და სხვა რელევანტურ ინფორმაციას, რომელიც დაკავშირებულია საკრედიტო საინფორმაციო ბიუროსათვის ინფორმაციის მიწოდებასთან და ინფორმაციის მიღებასთან საქართველოს კანონმდებლობით გათვალისწინებული წესითა და პირობებით. წინამდებარე ინფორმაცია მუშავდება მომხმარებლის გადამხდელუნარიანობის ანალიზის მიზნისათვის და ხელმისაწვდომი იქნება საკრედიტო საინფორმაციო ბიუროში ჩართული მომხმარებლებისათვის კანონმდებლობით დადგენილი წესით (სესხის გამცემი ორგანიზაციები და ინფორმაციის მიმღები/მიმწოდებელი პირები).

მომხმარებლის (მათ შორის, მონაცემთა სუბიექტი) მოთხოვნის შემთხვევაში, მონაცემთა დამამუშავებელი ვალდებულია გაასწოროს, განაახლოს, დაამატოს, დაბლოკოს, წაშალოს ან გაანადგუროს მონაცემები, თუ ისინი არასრულია, არაზუსტია, არ არის განახლებული, ან თუ მათი შეგროვება და დამამუშავება განხორციელდა კანონის საწინააღმდეგოდ.

6.3. თავდების თანხმობა სს-ს სახელმწიფო სერვისების განვითარების სააგენტოდან პერსონალური მონაცემების გამოთხოვის თაობაზე:

„თანხმობას ვაცხადებ, რომ სს მიკრობანკმა „ემბისი“, კანონმდებლობით დადგენილი წესით, დაკრედიტებისა და სესხის მომსახურების მიზნით და ამ მიზნის განსახორციელებლად საჭირო მოცულობით, სს-ს - სახელმწიფო სერვისების განვითარების სააგენტოს მონაცემთა ელექტრონული ბაზიდან მიიღოს, ორგანიზაციისათვის აუცილებელი, ჩემი პერსონალური მონაცემები.“

თავდების მინდობილი პირის თანხმობა სს-ს სახელმწიფო სერვისების განვითარების სააგენტოდან პერსონალური მონაცემების გამოთხოვის თაობაზე:

„თანხმობას ვაცხადებ, რომ სს მიკრობანკმა „ემბისი“, კანონმდებლობით დადგენილი წესით, დაკრედიტებისა და სესხის მომსახურების მიზნით და ამ მიზნის განსახორციელებლად საჭირო მოცულობით, სს-ს - სახელმწიფო სერვისების განვითარების სააგენტოს მონაცემთა ელექტრონული ბაზიდან მიიღოს, ორგანიზაციისათვის აუცილებელი, ჩემი ან/და ჩემი მარწმუნებლის პერსონალური მონაცემები.“

6.4. მიკრობანკი უფლებამოსილია, თავდების თანხმობისა და მისთვის დამატებითი შეტყობინების გაგზავნის გარეშე, ამ ხელშეკრულებით გათვალისწინებული თავისი უფლებები მთლიანად ან ნაწილობრივ გადასცეს სხვა პირს (მოთხოვნის უფლების დათმობა).

6.5. დასაშვებია 1.3. პუნქტში მითითებული (ნებისმიერი და მის ფარგლებში გაფორმებული) ხელშეკრულების პირობების ცვლილება გამსესხებლის მიერ ცალმხრივად გამსესხებლის მიერ მსესხებლისათვის/ თავდებისათვის მინიმუმ 2 თვით ადრე წინასწარი შეტყობინების გზით, რომელიც უნდა განხორციელდეს მსესხებლისათვის/თავდებისათვის უფასოდ, წინამდებარე ხელშეკრულებაში მითითებულ ტელეფონის ნომერზე მოკლე ტექსტური შეტყობინების გაგზავნის ან/და ამავე ხელშეკრულებაში მითითებულ ელ.ფოსტაზე შეტყობინების გაგზავნის გზით. მსესხებელი/თავდები უფლებამოსილია შეტყობინების მიღებიდან ორი თვის ვადაში სრულად დაფაროს სესხი (ძირითადი თანხა, დარიცხული პროცენტი და პირგასამტეხლო), რა შემთხვევაშიც მას არ დაერიცხება სესხის წინსწრებით დაფარვის საკომისიო. თუ მსესხებელი/თავდები არ გამოიყენებს აღნიშნულ უფლებამოსილებას, ამ პუნქტის შესაბამისად შეცვლილი პირობები ამოქმედდება მსესხებლისათვის/თავდებისათვის ზემოაღნიშნული შეტყობინების გაგზავნიდან ორი თვის გასვლის შემდგომ.

6.6. ცალმხრივი ცვლილება არ შეიძლება შეეხოს პროდუქტის ვალუტას, არ შეიძლება იყოს განპირობებული მიკრობანკის მიერ მსესხებლის გადახდისუნარიანობის არასწორი შეფასებით (როდესაც აღნიშნულის მიზეზი არ არის მსესხებლის მიერ განზრახ არასწორი და არასრული მონაცემების მიწოდება) და ასევე არ უნდა იყოს გამოწვეული ინფლაციის ზრდით, ეკონომიკური ვარდნით და/ან საბაზრო საპროცენტო განაკვეთების 5 პროცენტულ პუნქტზე ნაკლები ცვლილებით.

6.7. თუ კრედიტზე (სესხზე), მათ შორის ორმხრივი შეთანხმების არსებობის შემთხვევაში, იცვლება შენატანის ოდენობა, მიკრობანკი ვალდებულია ამ ხელშეკრულებაში მითითებულ მობილური ტელეფონის ნომერზე (მოკლე ტექსტური შეტყობინების სახით) ან/და ამავე ხელშეკრულებაში მითითებულ ელ. ფოსტის მისამართზე, მსესხებელს (ხელშეკრულების ფარგლებში რამდენიმე მსესხებლის/თანამსესხებლის არსებობის შემთხვევაში – ყველა მათგანს) ასევე, თავდებს და/ან სოლიდარულ თავდებს შეატყობინოს შენატანის შეცვლილი ოდენობისა და შეცვლილი პირობების შესახებ დაუყოვნებლივ, მაგრამ არაუგვიანეს ცვლილებამდე ხუთი სამუშაო დღით ადრე. ასევე, მსესხებლის (რამდენიმე მსესხებლის არსებობის შემთხვევაში ყოველი მათგანის) მიერ ცვლილების განხორციელების მომენტში შეცვლილ პირობებზე დათანხმების შემთხვევაში, თავდებს და/ან სოლიდარულ თავდებს შეატყობინოს შენატანის შეცვლილი ოდენობისა და შეცვლილი პირობების შესახებ ცვლილების შემდეგ არაუგვიანეს ხუთ სამუშაო დღეში. მიკრობანკი არ აგებს პასუხს ამ ვალდებულების დარღვევისათვის, თუ დაკავშირება/ ინფორმაციის მიწოდება ვერ ხერხდება ადრესატის ბრალეულობით და/ან ადრესატმა შეიცვალა საკონტაქტო ინფორმაცია და ამის შესახებ არ უცნობებია მიკრობანკისათვის.

მუხლი 7. ხელშეკრულების ძალაში შესვლა და უთანხმოებათა გადაწყვეტის წესი

7.1. წინამდებარე ხელშეკრულება ძალაში შედის მხარეების მიერ ხელმოწერისთანავე და მოქმედებს მიკრობანკსა და მოვალეს შორის საკრედიტო ხელშეკრულების მოქმედების ვადის შესაბამისად, მხარეებს შორის ვალდებულებების სრულად შესრულებამდე.

7.2. წინამდებარე ხელშეკრულება რეგულირდება საქართველოს კანონმდებლობით.

7.3. მხარეთა შეთანხმებით წინამდებარე ხელშეკრულების შესრულების ადგილად მიჩნეულია მიკრობანკის იურიდიული მისამართი, ხელშეკრულების დადებისა და შესრულების ადგილი.

7.4. ნებისმიერი დავა, წარმოშობილი წინამდებარე ხელშეკრულებიდან ან მასთან დაკავშირებით, მათ შორის ნებისმიერი საკითხი ხელშეკრულების ანდა საარბიტრაჟო შეთანხმების არსებობის, ნამდვილობასა და შეწყვეტის შესახებ განხილვისა და საბოლოო გადაწყვეტილების მიღების მიზნით, უნდა გადაეცეს მუდმივმოქმედ არბიტრაჟს „დავების განმხილველ ცენტრს“ DRC-ს, რომლის სარეგისტრაციო კოდია 204547348; მის. ქ. თბილისი, ვაჟა-ფშაველას 71, სართ. 2, ოფისი 11. ვებგვერდი: WWW.DRC.GE. ამასთან, მხარეთა შეთანხმებით, არბიტრაჟი დავას განიხილავს ზეპირი მოსმენის გარეშე, მიუხედავად სასარჩელო მოთხოვნის (დავის საგნის) ღირებულებისა.

მხარეები ასევე ვთანხმდებიან, რომ მხარეებს შორის, ასევე საარბიტრაჟო დაწესებულებას დავების განმხილველი ცენტრს ს/კ 204547348 შორის კომუნიკაცია შესაძლებელია განხორციელდეს ელექტრონული ფორმით. ამ შემთხვევაში შეტყობინება განხორციელებულად ჩაითვლება, თუ იგი მხარეს ჩაბარდა ელ.ფოსტის მეშვეობით. მხარეები თანხმობას აცხადებენ, რომ ხელშეკრულებით განსაზღვრულ ელ. ფოსტის მისამართზე ელ. ფოსტის საშუალებით გაგზავნილი შეტყობინება მათთვის ჩაბარებულად ითვლება და აღნიშნულთან დაკავშირებით რაიმე სახის პრეტენზია არ ექნებათ.

7.5. თავდებს უფლება აქვს წარადგინოს პრეტენზია სს მიკრობანკი „ემბისის“ ნებისმიერ სერვის ცენტრში, როგორც ზეპირი, ასევე თავისუფალი წერილობითი, სტანდარტული წერილობითი ან ელექტრონული ფორმით ვებ-გვერდზე <http://www.mbc.com.ge/> და ელ. ფოსტაზე complaint@mbc.com.ge. პრეტენზიის განხილვასთან დაკავშირებით და შესაბამისი პროცედურების შესახებ ინფორმაციის მოძიება შესაძლებელია სატელეფონო კონტაქტის მეშვეობით ნომერზე (032) 2505002, ან უშუალოდ მიკრობანკის შესაბამის სერვის ცენტრში. თავდებისაგან მიღებულ პრეტენზიაზე პასუხის გაცემის მაქსიმალური ვადაა 30 (ოცდაათი) კალენდარული დღე.

მუხლი 8. შეტყობინების წესი

8.1. მხარეებმა ნებისმიერი შეტყობინება უნდა განახორციელონ ისეთი ფორმით, რომელიც იძლევა კონტრაგენტის მიერ ინფორმაციის მიღების დადასტურების შესაძლებლობას.

8.2. შეტყობინება (გაფრთხილება, კორესპონდენცია, გზავნილი) ითვლება სათანადოდ გაგზავნილად, თუ იგი გაგზავნილია ერთ-ერთი ჩამოთვლილი საშუალებით: დაზღვეული (საფოსტო) წერილით, კურიერის, მოკლე ტექსტური შეტყობინების, სოციალური ქსელების მეშვეობით ან ელ. ფოსტის მეშვეობით ამ ხელშეკრულებაში მითითებულ საკონტაქტო მისამართებზე (მობილური, ელ. ფოსტა), ან თავდების მიერ ჩაბარებულია (მიღებულია) ხელზე უშუალოდ, ან/და გადაცემულია მისი ოჯახის წევრისთვის. შეტყობინება მიღებულად ითვლება იმ შემთხვევაშიც, თუ ადრესატი უარს განაცხადებს შეტყობინების მიღებაზე, ან თავს აარიდებს მის მიღებას. ელ. ფოსტით გაგზავნილი შეტყობინება ჩაბარებულად ითვლება გაგზავნიდან მეორე დღეს, მიუხედავად იმისა, არსებობს თუ არა ადრესატისაგან შეტყობინების მიღების დასტური ან პასუხი;

8.3. მხარეები ვალდებულნი არიან დაუყოვნებლივ აცნობონ ერთმანეთს საკონტაქტო ინფორმაციის შეცვლის შესახებ, ასეთი ინფორმაციის გაუმყდავებლობის შემთხვევაში შეტყობინება მიღებულად ითვლება მხარისათვის ცნობილ უკანასკნელ საკონტაქტო მისამართზე შეტყობინების გაგზავნის შემთხვევაშიც.

8.4. წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას.

8.5. ხელშეკრულება შედგენილია ქართულ ენაზე, თანაბარი იურიდიული ძალის მქონე ორ იდენტურ ეგზემპლარად.

მუხლი 9. დასკვნითი დებულებები

9.1. წინამდებარე ხელშეკრულებასთან დაკავშირებული ნებისმიერი ცვლილება და დამატება ძალაში შედის ის გაფორმებულია წერილობით და ხელმოწერილი იქნება მხარეების მიერ.

მუხლი 10. მხარეთა ხელმოწერები:

ხელშეკრულებას გავეცანით, მისი პირობები გასაგებია სრულად და ვეთანხმებით:

თქვენ ხელმოწერით ადასტურებთ, რომ თქვენთვის ცნობილია, რომ თქვენი პასუხისმგებლობის მაქსიმალური თანხის ფარგლებში, რომელიც ამ ხელშეკრულების მიხედვით შეადგენს 1 000 000 ლარს, მსესხებლის მიერ კრედიტის გადაუხდელობის და მისი უშედეგოდ გაფრთხილების შემთხვევაში, ან/და როცა მისი გადახდისუუნარობა აშკარაა კრედიტორს შეუძლია მოგთხოვოს ვალდებულების დაფარვა, მსესხებლის მიმართ იძულებითი აღსრულების მცდელობის გარეშეც.

თავდები: სახელი გვარი პირადი #
(სახელი და გვარი სრულად და გარკვევით)

მიკრობანკი
(სახელი და გვარი სრულად და გარკვევით)

წერილობითი განცხადება სოლიდარული თავდებობის შესახებ #

საქართველო, ქ. _____, 20 _____ წლის _____.

წინამდებარე სოლიდარული თავდებობის წერილობითი განცხადებით, მე თავდები:

1.1. თავდები: -----, დაბ. -----, რეგისტრაციის ადგილი -----, თავდების განცხადებით მცხოვრები: -----, პირადი ნომერი -----, პასპ/პირად.მოწმობის N-----, პასპ/პირად.მოწმობა გაცემულია ----- მიერ ----- წელს, (მოქმედების ვადა -----), ტელეფონი -----, ელ.ფოსტა -----.

სოლიდარულ თავდებად ვუდგები, ძირითად მოვალეს, იგივე მსესხებელს:

1.2. მსესხებელი:

მისამართი:

პირადი ნომერი:

სს მიკრობანკი „ემბისის“ წინაშე ძირითადი მოვალის მიერ შესასრულებელ ვალდებულებას, რაც წარმოშობილია:

1.3. თავდებობით უზრუნველყოფილი გენერალური ხელშეკრულება (თარიღი და ნომერი)	
1.4. გაცემული კრედიტების მაქსიმალური ჯამური ოდენობა (ლიმიტი):	1 000 000 ლარი
1.5. კრედიტების მაქსიმალური ვადა:	180 თვე
1.6. მაქსიმალური წლიური საპროცენტო განაკვეთი:	ეფექტური 50%

ძირითადი მოვალის მიმართ წარმოშობილი ვალდებულებისათვის, თავდები სრულად სოლიდარულად აგებს პასუხს კრედიტორის წინაშე და კისრულობს ძირითადი მოვალის მიერ ნაკისრი ვალდებულებების შეუსრულებლობის, ან არაჯეროვანი შესრულების შემთხვევაში, სრულად დაუფაროს კრედიტორს კრედიტის ძირითადი თანხა, საპროცენტო სარგებელი და პირგასამტეხლო იმ მოცულობით, რაზედაც კრედიტორის გაუჩნდება მოთხოვნა. ამ განცხადების საფუძველზე კრედიტორი უფლებამოსილია დაიკმაყოფილოს თავისი მოთხოვნა თავდებობის ფარგლებში ძირითადი მოვალის მიმართ იძულებითი აღსრულების მცდელობის გარეშე, თუ ძირითადმა მოვალემ გადააცილა გადახდის ვადას და უშედეგოდ იქნა გაფრთხილებული კრედიტორის მიერ ან/და თუ მისი გადახდისუუნარობა აშკარაა. თავდები აცხადებს, რომ მოკლე ტექსტური შეტყობინება ვალის არსებობის მდგომარეობის შესახებ მოხილურ ტელეფონზე, ან ელექტრონული ფოსტით, ითვლება ფორმადაცულ გაფრთხილებად/შეტყობინებად. თავდებობის რაოდენობრივად განსაზღვრული თანხაა 1.3. პუნქტში მითითებული თანხა, და ასევე პროცენტი რაც დაწესებულია საკრედიტო ხელშეკრულებით, პირგასამტეხლოები, საკომისიოები, კრედიტორისთვის მიყენებული ზიანი და სასამართლო ხარჯები. თავდები პასუხს აგებს ასევე იმ შემთხვევაშიც, თუ კრედიტი ვადამდე იქნა გამოთხოვილი კრედიტორის მიერ და იგი არ დაფარულა. თავდებობა განხორციელებულია ძირითად მოვალესთან ურთიერთშეთანხმებით. თავდებობა ძალაშია გაცემის დღიდან და მოქმედებს ძირითადი კრედიტორის მიერ ნაკისრი ვალდებულების სრულად შესრულებამდე. თავდები აცხადებს, რომ გაეცნო ხელშეკრულებებს, რომლებიც დადებულია ძირითად მოვალესა და კრედიტორს შორის და მისთვის ნათელია ხელშეკრულებების ნაკისრი ძირითადი მოვალის ვალდებულებები კრედიტორის მიმართ.

თავდები: **სახელი გვარი პირადი #** _____
(სახელი და გვარი სრულად და გარკვევით)

ბანკი _____
(სახელი და გვარი სრულად და გარკვევით)